

მოსაზრება ენერგოდამზოგავ და გარემოსდაცვას საშუალებათა პოპულარიზაციისა და რეალიზების ინტენსიური ზრდისათვის

ი. ჩოლოყაშვილი

მიღებულია 10.11.2014

ცხოვრებისეული რეალობა ამტკიცებს, რომ სიახლეთა დანერგვა რიგ შემთხვევებში არ მიმდინარეობს სასურველი ტემპით, რაც უმეტეს წილად მოსახლეობის ინფორმირებულობის დაბალი დონის ბრალია. ამიტომ ჩვენთვის სასურველ სფეროში სიახლეთა უფრო ინტენსიური დანერგვის მიზნით საჭიროა ინფორმირების დონისა და ხარისხის ამაღლება და ჩემი მოსაზრებით ამ მიზნის მისაღწევად უპრიანია შეიქმნას კომერციული-საგანმანათლებლო ცენტრი (შემდგომში - კსც), რომელიც იმუშავებს მოსახლეობაში ენერგოდამზოგავი და ეკონისტემისათვის უსაფრთხო მასალების, ტექნიკისა და ტექნოლოგიების გაცნობაზე, პოპულარიზაციაზე, რეალიზებაზე და შესაბამის სერვისებზე. ზემოხსენებული კსც გარდა ენერგოდამზოგავი და ეკონისტე-მისათვის უსაფრთხო მასალების, ტექნიკისა და ტექნოლოგიების რეალიზებისა, ჩაატარებს ფართო საგანმანათლებლო-სასემინარო სამუშაოებს როგორც მოსახლეობისათვის, ასევე სპეციალისტებისა და დაინტერესებული წრეებისათვის, მოამზადებს სერვის-მომსახურების პერსონალს, აგიტაციას გაუწევს მიღწევებს გარემოსდაცვით და ენერგო-ეფექტურობის სფეროში. კსც-ში გაიყიდება სამრეწველო სფეროდან შემოთავაზებული, თავის კლასში ყველაზე უფრო ენერგოეკონომიური ტექნიკა, ტრანსპორტი, ტექნოლო-გიები – აღნიშნული გარემოება თავისთავად რეკლამა იქნება და სამრეწველო სექტორი თავადვე იქნება დაინტერესებული კსც-თვის ამ ტიპის პროდუქციის მიწოდებაზე.

ამასთანავე კსც მიზანმიმართულად იმუშავებს თვითმმართველობებთან და დაინტერესებულ სექტორებთან ერთად ენერგოდამზოგავი და ეკოდამცავი პროექტების განხორციელებაზე, ენერგოაუდიტების ჩატარებაზე, შენობების ენერგოპასპორტი-ზაციაზე და ყველა კონკრეტულ შემთხვევაში შესაბამისი რეკომენდაციების მიცემაზე, სურვილის შემთხვევაში კი ამ რეკომენდაციათა რეალიზებაზე. კსც აქტიურ მუშაობას განახორციელებს რათა ღობირება გაუწიოს საპარლამენტო, სამთავრობო და მუნიციპალურ დონეზე ენერგოდამზოგავი და გარემოსდაცვითი კანონპროექტების და რეგულაციების მიღებას.

ყოველივე ზემოთქმულიდან გამომდინარე, ამ იდეის სარეალიზაციოდ საჭირო იქნება სათანადო ადმინისტრაციული და ფინანსური მხარდაჭერა, რისი საშუალებაც იმედია გამოინახება, მითუმეტეს რომ კსც პერსპექტიულია როგორც ფინანსური თვალსაზრისით, ასევე მოსახლეობაში ენერგო-ეფექტურობისა და გარემოსდაცვით სფეროში ინტერესის ამაღლებაში და მათ ცხოვრებაში რეალიზებაში.

ივანე ჩოლოყაშვილი

Tel.: 555 377989; 599 858718

ivanmc061@yahoo.com

ivan.cholokashvili@gmail.com